

Fu posto, per li savij, che li zudei debino pagar per tutta questa settimana quello restino a dar, impena di 4.º; et non si possi scuoder danari senza la pena, *ut in parte*. Presa.

Fu posto, *ut supra*, che atento è stà conduti molti cavalli in questa terra, per non andar (*mandar?*) in campo per le artiglierie, perhò sia preso, che tutti li cavalli sono in questa terra, sia di chi si voja, in termine di zorni do si dagino in nota sopra le camere, impena; et cussi quelli sono di fuora presentarsi a le podestarie, *ut in parte*. Et fu presa, et la matina seguente publicà in Rialto.

Fu posto, per li savij, levar le zente d'arme sono in Romagna, qualle è 300 homeni d'arme et 150 cavali lizieri, et quelle far passar in veronese e unirse con il nostro exercito. Et parlò sier Domenego Trivixan, cavalier, procurator; li rispose sier Piero Duodo, consier, qual non voleva levarle. Parlò poi sier Zorzi Emo, et poi sier Lunardo Mozenigo, savio dil consejo, qual vol la parte, con questo prima sia provisto di le fantarie habbi a restar in ditte terre, *ut in parte*. Et in questa introno tutti i savij, et fu presa.

Fu posto, per li savij, certa risposta da esser fata a sier Hironimo Sovergnan è a' sguizari, *videlicet* a le proposition fatoli, *videlicet* di acordar quelli 4 cantoni per anni X, a ducati 25 milia a l'anno, et altre particolarità, *ut in parte*, et rompino di sopra. Et fo disputation: parlò sier Piero Capello, fo consier; li rispose sier Domenego Trivixan, cavalier, procurator, savio dil consejo. Et fu preso et fo comandà grandissima credenza.

41a* Fu posto, per li savij, una lettera a li provedadori zenerali, che facesseno tajar certe aque sora il mantoan *etc.*, *ut in litteris*. Presa.

Et veneno zoso a horre 3 di note.

A dì 13 april, in lettere di Cremona.

Descriptione de le zente francese, che a questo dì se ritrovano in Italia, ut infra.

A Como se ritrova la compagnia di monsignor de Fontanaja	lanze	50
A Lecho la compagnia di monsignor Mandencia (?)	»	50
A Trezo la compagnia del barom de Bernia	»	50
A Cassano la compagnia de monsignor de Fois	»	50

Item, parte de li arzieri di domino Galeazo Palavixino	lanze	80
A Melzo de la compagnia di monsignor de Fois	»	100
A Lodi la compagnia di domino Zuan Jacomo di Triulzi	»	50
Item, la compagnia di monsignor di Montasom	»	50
Item, la compagnia di monsignor di Libret	»	30
Item, la compagnia di domino Theodoro Triulzi	»	50
A Piasenza la compagnia di domino Galeazo Palavixino	»	50
Item, la compagnia che fu di domino Antonio Maria di San Severin	»	50
Item, la compagnia de madona de Landa	»	50
Item, la compagnia de monsignor de Bren	»	50
Item, la compagnia de monsignor de la Foseta	»	50
Item, la compagnia de madona Zatelar	»	50
A Parma la compagnia de madona de Alegra	»	50
Item, la compagnia de monsignor di la Paliza	»	50
Item, la compagnia de monsignor Rochen Tagliata	»	50
Item, la compagnia de monsignor Ambrocurt	»	50
Item, la compagnia de marchexe de Monfera'	»	100
In mantoana la compagnia di quel marchexe	»	50
Item, la compagnia dil marchexe di Saluzo	»	6000

Fantarie.

A Trezo	N.º	1000
A Cassam	»	2000
A Lodi	»	4000
A Piasenza	»	6000
In via di qua dai monti, per andar a Parma et in mantoana, fanti		6000

Noto. In questo dì, a dì 16, a hore . . ., im piazza di San Marco, per Pizim, capetanio dil consejo di X di le